



**Broj:** 08-01-03/2-11-2-2264-10/22  
**Dana:** 20.10.2022. godine

Na osnovu člana 70. stav (1), (4) i (6), u vezi sa članom 69. stav (2) tačka d) Zakona o javnim nabavkama ("Službeni glasnik BiH", broj: 39/14) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavke iz Zapisnika o pregledu i ocjeni ponuda broj: 08-01-03/2-11-2-2264-9/22 od 10.10.2022. godine, u postupku javne nabavke "LOT 1: Nabavka kancelarijskog namještaja", ministar Ministarstva unutrašnjih poslova Zeničko-dobojskog kantona, d o n o s i:

### **O D L U K U** **o poništenju postupka javne nabavke**

#### **Član 1.**

Poništava se postupak javne nabavke za "LOT 1: Nabavka kancelarijskog namještaja", iz razloga što nijedna od primljenih ponuda nije prihvatljiva - član 69. stav (2) tačka d) Zakona o javnim nabavkama.

#### **Član 2.**

Za izvršenje ove Odluke zadužuje se i ovlašćuje Sektor za podršku.

#### **Član 3.**

Ova Odluka objavit će se na web-stranici ugovornog organa ([www.mupzdk.gov.ba](http://www.mupzdk.gov.ba)), u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 08-01-03/2-11-2-2264/22 od 30.08.2022. godine.

Javna nabavka provedena je putem otvorenog postupka javne nabavke.

Procijenjena vrijednost nabavke za LOT 1 iznosila je 53.054,70 KM bez PDV-a.

Obavještenje o nabavci broj: 488-1-1-30-3-60/22, poslano je na objavu dana 12.09.2022. godine.

Sažetak obavještenja o nabavci broj: 488-1-1-30-3-60/22 objavljen je dana 16.09.2022. godine u "Službenom glasniku BiH", broj 63.

Komisija za javnu nabavku imenovana je Odlukom broj: 08-01-03/2-11-2-2264-1/22 od 12.09.2022. Godine.

Komisija za javnu nabavku sačinila je Zapisnik o prijemu ponuda broj: 08-01-03/2-11-2-2264-8/22 od 03.10.2022. godine, Zapisnik sa otvaranja ponuda broj: 08-01-03/2-11-2-2264-8/22 od 03.10.2022. godine i Zapisnik o pregledu i ocjeni ponuda broj: 08-01-03/2-11-2-2264-9/22 od 10.10.2022. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno da se do roka određenog za dostavljanje ponuda, 3 (tri) ponuđača prijavilo na predmetno javno nadmetanje, i to ponuđači "HAFELE BH" d.o.o. Gračanica, "INTER-COM" d.o.o. Zenica i "R&S" d.o.o. Sarajevo.

Iz dostavljenog Zapisnika o pregledu i ocjeni ponuda utvrđeno je da ponuđači "HAFELE BH" d.o.o. Gračanica, "INTER-COM" d.o.o. Zenica i "R&S" d.o.o. Sarajevo nisu kvalifikovani.

Naime, ponuđač "HAFELE BH" d.o.o. Gračanica nije kvalifikovan, jer ponuđeni artikal za stavku pod rednim brojem 4 iz Obrasca za cijenu ponude - uredska stolica, prema izgledu sa dostavljene fotografije nema konstrukciju sa rukonaslonom, odnosno ponuđena stolica nema rukonaslon.

Nadalje, ponuđač "INTER-COM" d.o.o. Zenica nije kvalifikovan, jer ponuđeni artikal za stavku pod rednim brojem 6 iz Obrasca za cijenu ponude - ergonomski stolac, prema izgledu sa dostavljene fotografije nema mehanizam za podešavanje visine leđa, odnosno ponuđeni stolac uopšte nema podesivi naslon za leđa. Pored navedenog, ponuđeni artikal pod rednim brojem 1 iz Obrasca za cijenu ponude - uredska fotelja, prema izgledu iz dostavljene fotografije je narandžaste boje, a prema opisu iz Tenderske dokumentacije fotelja treba biti crne boje.

Ponuđač "R&S" d.o.o. Sarajevo nije kvalifikovan, jer ponuđeni artikal za stavku pod rednim brojem 4 iz Obrasca za cijenu ponude - uredska fotelja, prema izgledu sa dostavljene fotografije je bijele boje, a prema opisu iz Tenderske dokumentacije treba biti crne boje. Nadalje, za stavke pod rednim brojem 10 i 12 iz Obrasca za cijenu ponude, prema dostavljenim fotografijama kasete za radni stol ima tri ladice, a u opisu Tenderske dokumentacije treba imati četiri ladice.

Slijedom navedenog, a u skladu s članom 69. stav (2) tačka d) Zakona o javnim nabavkama, odlučeno je kao u dispozitivu.

#### **PRAVNA POUKA:**

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana prijemu odluke o poništenju postupka javne nabavke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi, direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

#### **DOSTAVLJENO:**

1. Ponuđači, 1x-
2. Sektor za podršku, 1x.-
3. Spis, 1x.-

